

NUTAARSIASSAT

SIDE 2

MASSAKKUT SULIAGUT

Isumaginninnermut
aqutsisoqarfimmi
aaqqissuusseqqinneq

SIDE 4

SIUSSISSUKKUT SULINIUTEQARTARTUNUT ISUMASIOQATIGIINNEQ

- ullorsiutitut allaguk

SIDE 3

ULLUINNARNUT ILUNGERSUNARTUNUT SAKKUSSAT NUTAAT:

Isumasioqatiginnerimi inatsisilerineq
sammillugu

SIDE 6

SIUSSISSUKKUT SULINIUTEQARNERMI ATASSUTEQARNERTALIMMIK ATAQATIGIISSAARINEQ





MASSAKKUT SULIAGUT

Isumaginninnermut aqutsisoqarfimmi aaqqissuusseqqinneq

Meeqqanik Inerisaanermut immikkoortor-taqarfik Paarisarluk ataatsimoortilerneqarput. Ima paasillugu Siusissukkut Suliniuteqartartut Isumaginninnermut aqutsisoqarfimmi Paarisamut ilaalerput. Eqiterineq Siusissukkut Suliniuteqartartuni - aamma suliagut pillugit eqqarsaqqinnissamut patajaallisaanissamullu pissutissaqartitsivoq. Tassani massakkut qanorpiaq killiffeqarnersugut aamma illit suliagut ilisimasalittut piffissami aggersumi suut naatsorsuutigisinnaanerluggit paasisaqaasaatit.



Siusissukkut suliniuteqartartut pisortatigoortumik mailia

Eqiterinnerup kinguneranik Paarisap pisortatigoortumik mailiatigut **paarisa@nanoq.gl**-ikkut attavigineqartarsinnaavugut. Taamaattoq suli **tidligindsats@nanoq.gl**-mut allaffigisinnaavatsigut allatut nalunaarnissatta tungaanut.

Siunnersuisarfiup oqarasuaataa kiisalu onlinekkut ataatsimiinnerit piffissami sivikitsumi unitsinneqarallarput

Aaqqissuusseqqinneq pissutigalugu siunnersuisarfiup oqarasuaataa aamma onlinekkut isumasiueqatigiillunni ataatsimiinnerit aalajangersimasut unitsinneqarallarput. Taamaattoq paarisa@nanoq.gl aqqutigalugu attaveqarfiguarsinnaavatsigut aamma saaffiginnissutit piaarnerpaamik akineqassaaq. Onlinekkut ataatsimiinnerit siunnersuisarfiullu oqarasuaataa atorneqaqqissinnaalerpata piaartumik ilisimatitsissaagut. Massakkumut siunnersiueqateqarnissamik pisariaqartitsinermi apequtissaqarnermiluunniit mailikkut attaveqarnissaq tunuarsimaarfigineqassanngilaq.



ULLUINNARNUT ILUNGERSUNARTUNUT SAKKUSSAT NUTAAT

Inatsisilerineq aamma oqaloqatiginninneq nutaanik isikkulerlugit

Suliniutinik marlunnik suliassanik assigiinngitsunik suliaqarnissinni ikorfartuutaasus-satut siunertalinnik massakkut suliaqale-ruttorpugut. Suliniutit isiginnaagassiaapput inatsisinut tunngasut naatsut aamma oqaloqatigiinnermi korti tamarmik siusissukkut suliniuteqarnermi suliassinnik isummersor-nermut, pitsaassutsimut aamma iliuseqar-sinnaassusermut tapertaasussat.

Oqaloqatigiinnermi kortit oqaloqatigiinnermik ammaasussat


Assigiinngitsunik suliaqarnissinni katersuut-sitsisinnaasunik pisariaqartitsisarpugut. Oqaloqatiginninnermi kortit siusissukkut suliniuteqarneq qitiutillugu suleqatigiiaani alapernaatumik isummersornissamut suliallu pillugit isumasiueqatigiinnissamut atorneqarsinnaapput. Kortit akunnatto-orutaasinnaasunut oqaasinnguinnermi atorneqarsinnaapput, isiginnittariaatsinut nutaanut ammaasarpuk kiisalu ilisimasanik avitsinissamut aamma assigiinngitsunik su-liaqarnermik ataatsimut paasinninnissamut inissaqartitsinermik pilersitsissapput.

Inatsisinik nassuiaaneq - sukkasuumik ersarissumillu

Isiginnaagassiat inatsisinut tunngasut ator-lugit meeqqanik ilaqutariinnillu sulinnermi inatsisinik paasinninnissassinut ikorfartuutaassapput. Isiginnaagassiani sammisa-nut soorlu akuersinermut atsiornermut, in-nersuussinermut/nalunaarutiginninnermut, paasissutissanik ingerlatitseqqinnermut/nipangersimasussaataitanermut il.il. pine-qassapput.

Inatsisinut tunngasunik qulequttanik imaluunniit ajornartorsiutinik isiginnaaga-ssiani annerusumik itisilerusutaqarussi kissaatsi paarisa@nanoq.gl-imut nassius-sinnaavasi. Taava suliatsinnut ilanngutissa-vagut.

Isiginnaagassiat siunertaraat inatsisinut tunngatillugu akunnattoorutit aamma ape-qqutit pillugit ilisimasat ajornannginnerusu-mik pisaarsiarineqarsinnaanissaat.



SIUSSUKKUT SULINIUTEQARTARTUNUT ISUMASIOQATIGIINNEQ

- ullorsiutinut allaguk

Ukiormanna siusissukkut suliniuteqartartunut isumasioqatigiissitsinissamut pilersaarusiuleruttorpugut, tassani ingammik suleqatigiinnissaq pitsaasumillu suleqatigiittut at-taveqartarnera ukkatarineqassaaq. Siammasissumik isiginnittariaaseqarnissaq qulak-kearniarlugu aqutsisut aamma naalakkersuisoqarfinni pisortat atuutsilersitsinitsinni pingaarutilimmik atuuffillit peqataanissaannut aggersassavagut.

Ajornartorsiuteqarussi imaluunniit case-nik ulluinnarni sulinissinnut attuumassuteqarsinnaasunik peqarussi taava **paarisa@nanoq.gl**-imut attaveqarfigisinnaavatsigut. Aggeqqusissut aamma nalunaarnissamut linki mailikkut nassiutissavarput. Qaaqqusissummik tigusaqarsimanngikkussi qulaani allaqqasumut mailimut allaffigineqarsinnaavugut.

Paasissutissat

Ulloq

Isumasioqatigiinneq 2025-mi
29. septembarimit - 1. oktobarimut
ingerlanneqassaaq.

Sumiiffik

Isumasioqatigiinneq HHE-mi ingerlanneqassaaq peqataasullu
sinerissameersut HHE Ekspressimi inissinneqassapput.

Malugiuk

Suliassaqarfinni fagchefit naapinnerisa kingornatigut sapaatip akkunnerata kingorna isumasioqatigiinneq pissaaq aamma MANU-mi whorkshoppertitsinissaq sioqqullugu kiisalu Nunamed-ip ingerlanneqannginnerani ullualuit sioqqullugit.

Ataatsimuulernissarput aamma ulluni
nuannersuni
peqatigiilernissarput qilanaaraarput.

Nalunaarfissamut linki:

<https://socialstyrelsen.gl/planoramaframed?tilmeld/228946>



MANU-MIT NUTAARSIASSAT

Ineriartortitsivugut, misileraavugut aamma suliniutinik nutaanik aalajangersaasarpugut - tamatigut ataatsimoortitsineq, suliatigut piginnaasaqarneq najukkamullu attuumassuteqarneq qitiutillugu. Tassani massakkut suut suliarinerigut aamma qanoq ineriartortitsinerup ingerlaannarnissaanut peqataasinnaanerit atuarsinnaavat.

Isiginnaagassiaaqqat aqcutigalugit – angajoqqaajunermik patajaallisaaneq

MANU isiginnaagassiaaqqanik tallimanik naatsunik pilersitsivoq ulluinnarni angajoqqaat meeqqallu akornanni sunniivigeqatigiinnermik ukkassisut. Isiginnaagassiaaqqat tallimat siunertaraat angajoqqaani inunnilu isumassortini isummersorsinnaanermut ikorfartuuteqarsinnaanissaq ulluinnarni pisuni ilisarnartuni tarrarsorfigsaqarnikkut. Isiginnaagassiat ineriartortitsinissamut qulequttanik soorlu attaveqarneq, eqqarsaatersoqqissaarneq, misigissutsik kut tulluussarsinnaaneq, ataatsimoortutut misigisimaneq aamma atassuteqaateqalersitsineq.

Juunimi immiussisoqassaaq - aamma filmit ukiamut saqqummissapput.

Workshoppi: MANU-mi sunneeqataagit

Ulloq 2. oktobari 2025 MANU-mi suleqatigiit workshoppertitsissapput, tassani sulisut oqariatuutaat isumassarsiaallu sammi-neqassallutik. Tassani MANU-mi ingerlariarfiusup tulliaat ilusilernerneqarnissaanut peqataanissannut periarfissaqassaait - najoqqutap qanoq atuutsilersinneqarnissaanut aamma inuiaqatigiinnut paasinarnernissaanut pingaarnersiuisoqassalluni.

Sisimiuni suliatigut ataatsimoorneq

Juunip qeqqani MANU-mi suleqatigiit Sisimiunut angalassapput najukkami najoqqutassamik suaqarneq patajaallisarniarlugu. Tassani ataqatigiissaarisunik nutaanik pissarsiortarneq pillugu najukkami suliaqartunik suleqatiginnittoqassaaq aamma ammasumik innuttaasunik ataatsimiititsisoqassalluni, suleqatigiinneq, piginittuuneq aamma innuttaasunik qanimut ineriartortitsineq ukkatarineqassalluni.

Kikkut MANU-mi Suleqataappat?

Regine Dahl Thorleifsen Kajusen aamma Else Thygesen Isumaginninnermut Aqutsisoqarfimmi MANU-mi suleqatigiinni siunnersortaapput. Tamarmik peqqissaasutut ilinniarsimasuupput aamma meeqqanut ilaqutariinnullu suliaasaqarfimmi pitsaaliinnermut tunngasunik siammasissumik misilittagaqarlutik.

Sulisunut MANU-mi suliaqartunut kiisalu pilersaarutinik ineriartortitsisunut ikorfartuinissaq siunnersuinissarlu pingaarnertut atuuffigaat. MANU pillugu paasisaqarnerorusukkuit **paarisa@nanoq.gl**-ikkut allaffigisinnaavatsigut.

SIUSSUKKUT SULINIUTEQARNERMI SULEQATIGIINNERMI SULIATIGUT ISIGINNITTAASEQ


Siusissukkut suliniuteqarnermi atassuteqarnertalimmik ataqatigiissarineq

Meeqqanut aamma ilaqutariinnullu sulias-saqarfimmi pisut ilungersunarsinnaasut misigikulasarpagut, taakkunani suliaqartut assigiinngitsut suleqatigiittariaqartarlutik, tamannalu unamminarsinnaavoq. Taamaatumik nutaarsiassami matumani atassuteqarnertalimmik ataqatigiissarineq pingaartinneqassaaq.

Atassuteqarnertalimmik ataqatigiissariner-mi pineqarput atassuteqarnerit pitsaasut aamma ersarissumik attaveqatigiinneq aqqutigalugu suleqatigiinnermik patajaal-lisaaneq. Tamanna siusissukkut suliniute-qarnermik suliaqarnermik ingammik atuup-poq, tassani sulisut arlallit assigiinngitsunik ilinniagaqarsimasut peqataassallutik.

Atassuteqarnertalimmik ataqatigiissaa-rinermi oqaatsit pingaarnert pingasut tassaapput:

- Ataatsimut anguniagaqarluta su-livugut - Meeqqap ilaqutaasalu naleri-simanagerat
- Ilisimasani avitseqatigiittarpugut immitsinnullu tusarnaartarluta - ta-amaalliluta tamatta isiginntaatsigut atuuffigullu paasisarpagut
- Suliatiqut pikkoriffiqut ataqqisarpagut - assigiinngissutsigullu nukittuffittut isigalugit



Atassuteqarnertalimmik ataqatigiissarineq "pigiinnarneqarsinnaanngilaq" - tamannalu ingerlaavartu-mik sungiusarneqartariaqarpoq. Oqaloqatigiinnissaq, tusarnaarneq aamma ataqatigiissarineq pikko-riffiginerulerutsigu, sullitatsinnut - tassalu meeqqanut ilaqutaannillu patajaannerusumik suleqatigiissin-naavugut.

Taamatut atassuteqarnertalimmik ataqatigiissarinermi sulinissinni atorsinnaavarsi:

1. Ataatsimut ilimasuutiniq paaseqati-giinneq aallartissutigineqassaaq

- Suliami tassani suut ataatsimut angu-niagaraagut?
- Tamatta immikkut takusinnaavarput - aamma suliatiqut isiginntariaatsit-innut suna pingaarnera?
- Kina sulerissava - aamma qanoq?

2. Ingerlaavartumik annikitsumik oqa-loqatigiinnerit:

- Paasiuminaatsoqaraangat immissin-nut sianerfigalusi allaffigalusiluunniit - aamma 2 minutsinnaagaluarpal-luunniit.
- Malinnaaffiginninnisi erumassutisilu siusinaartumik avitseqatigiinnissutigi-sigit, taamaalliluni kisimiittoqassann-gimmat.

3. Suliatiqut pikkoriffisi alapernaaffigi-sigit:

Ass. apeqqu:

- Ilaqutariinni suna maluginiarpiuk?
- Qanoq unammilligassat taamaattut iliuuseqarfisarpisigit?

4. Isummersoqatigiissinnaanermut inis-saqartitsineq

- Qaqugu suleqatigiittut iluatsissin-naavugut?
- Qaqugu equngasoorsinnaavugut aamma sooq?

5. Meeraq ilaqutariillu ukkatarikkitt Ungasilliallagit aperalutillu:

- Ilaqutariit ataatsimoorussamik ataqatigiissumillu suliniuteqarfigneqarpat?
- Suut pisariaqartippaat - aamma qanoq pitsaanerusumik tapersersoqa-tigiissinnaavugut?



OQALUTTUAT PITSAASUT

Siusissukkut suliniuteqartarnermi suliat ukkatariniarlugit oqaluttuanik nuannersunik katerserusuppugut, ilissi sulisutut imaluunniit innuttaasutut misigisasi, suliani assigiinngitsuni suleqatigiinnerup ilaqutariinnut annertuumik sunniuteqarsimasumik.

Nuannersunik oqaluttuaateqarussi, paarisa@nanoq.gl-imut nassiussinissamut tikilluaqqusaavusi. Anguniagaraarput oqaluttuat isiginnaagassiatut animationitut naatsutut saqqummiunnissaat aamma soorunami kinaassutsimik isertuussilluinnarneq qulakkiissavarput.

Suliniuummut tassunga siunertaavoq Siusissukkut suliniuteqartartunut innuttaasutut attuumassuteqarnerup paquminarunnaarsarnissaa aamma oqaluttuanik sulinerup neriunermik pitsaasunillu allanngortinneqarnissaanut attuumassuteqalersitsisumik.

Tusarfiginissarsi oqaluttuassinnillu tigusaqarnissarput qilanaaraarput.

AAQQISSUUSSINISSANUT TAMAKKIISUMIK TAKUSSUTISSAT:

29., 30. septembari aamma 1. oktobari:
Siusissukkut suliniuteqartartunut isumasioqatigiinneq

Ukiormanna Siusissukkut suliniuteqartartunut isumasioqatigiinneranni sulisut immikkoortullu akornanni suleqatigiinnerup qanoq patajaallisarnissaa ukkatarissavarput. Saqqummiussinerit, suliamut attuumassutilinnik assersuusiorderit, aamma ataatsimut isummersornerit aqqutigalugit qanoq siusissukkut suliniuteqarnerit - suliassaqarfiit aamma aaqqissuussaannerit akimorlugit pitsaannerusumik iluatsissinnaanersut suleqatigiilluta misissussavagut.

2. oktobari: MANU Workshop – sunniuteqarit

Ulloq 2. Oktobari workshopertitsineri MANU-mi suleqatigiinni sulisut nuna tamkkerlugu peqataasoqarlutik misilittakkatik isumassarsiatillu avitseqatigiissutigissavaat. MANU-mi angajoqqaanik, sulisunik aamma najukkami inuiaqatigiinnik ullumikkut - siunissamilu